

Bosna i Hercegovina
Federacija Bosne i Hercegovine
Tuzlansko kanton
GRAD TUZLA



Stručna služba Gradskog vijeća

Broj:13-8-01-2020

Tuzla, 13.01.2020. godine

GRADSKO VIJEĆE TUZLA
n/r predsjedavajuće Nataše Perić

PREDMET: Informacija o realizaciji Programa rada Gradskog vijeća Tuzla za 2019. godinu, dostavlja se

Poštovani.

U skladu sa članom 54. Poslovnika Gradskog vijeća Tuzla ("Službeni glasnik Grada Tuzle"-Prečišćeni tekst broj- 7/17, 9/17, 2/18 i 8/19)(u daljem tekstu: Poslovnik), Gradsko vijeće Tuzla donosi Program rada za kalendarsku godinu, u pravilu na kraju godine za narednu godinu.

Gradsko vijeće Tuzla je na svojoj na svojoj dvadesetdevetoj redovnoj sjednici održanoj dana 30.01.2019. godine, usvojilo Program rada Gradskog vijeća Tuzla za 2019. godinu („Službeni glasnik Grada Tuzla“, broj 1/19).

Programom rada Gradskog vijeća Tuzla za 2019. godinu, bilo je predviđeno razmatranje ukupno 112 materijala, od čega dva programa, 12 planova (od čega 5 u nacrtu), 33 odluke (od čega 11 u nacrtu) 31 informacija, 31 izvještaj i četiri ostala materijala.

Tokom 2019. godine, Gradsko vijeće Tuzla je kontinuirano svakog mjeseca održavalo svoje sjednice, što uključuje i sjednicu u avgustu mjesecu, odnosno za vrijeme ljetnjeg odmora (period od 01.08. do 01.09.), kada se u smislu člana 57. Poslovnika sjednice ne održavaju, što govori o velikoj odgovornosti gradskih vijećnika i njihov odnos prema realizaciji Programom rada Gradskog vijeća Tuzla utvrđenih poslova i zadataka, kao i onih koji se moraju izvršiti imajući u vidu odgovornost prema građanima i široj društvenoj zajednici.

Tokom 2019. godine održano je ukupno **14 sjednica Gradskog vijeća Tuzla, od čega 13 (trinaest) redovnih i 1 (jedna) vanredna sjednica, na kojima je razmatrano 185 tački i 141 podtačka dnevnog reda (ukupno 326 tačaka i podtačaka dnevnog reda).**

TABELA I-PREGLED ODRŽANIH SJEDNICA GRADSKOG VIJEĆA U 2019. GODINI

Redni broj	Sjednica	Datum	Broj tački	Broj podtački
1.	29.redovna sjednica	30.01.2019	21	8
2.	30. redovna sjednica	27.02.2019	13	8
3.	31. redovna sjednica	27.03.2019	11	10
4.	32. redovna sjednica	26.04.2019	13	13
5.	33. redovna sjednica	28.05.2019	14	16
6.	34 redovna sjednica	27.06.2019.	14	22
7.	35. redovna sjednica	02.07.2019.	10	8
8.	36. redovna sjednica	29.08.2019.	17	15
9.	37. redovna sjednica	26.09.2019.	16	5
10.	38. redovna sjednica	31.10.2019.	17	16
11.	4. vanredna sjednica	18.11.2019.	1	0
12.	39. redovna sjednica/ I dio tematski	28.11.2019.	23	10
13.	40. redovna sjednica	19.12.2019.	15	10
UKUPNO:	13 redovnih sjednica i 1 vanredna		185	141

Materijali, koji su razmatrani na redovnim sjednicama Gradskog vijeća Tuzla, bili su posvećeni realizaciji svakodnevnih pitanja i problema građana iz raznih oblasti života i rada, ali isto tako i stvaranju pravnog okvira, kako bi se realizirali projekti predviđeni revidiranom Strategijom razvoja Grada Tuzle do 2026. godine i drugim planskim i provedbenim dokumentima usvojenim i koji se odnose na Grad Tuzlu.

Vanredna sjednica Gradskog vijeća Tuzla održana je 18.11.2019. godine i na istoj je razmatran Prijedloga zaključaka kao odgovor na odluku Vlade Federacije BiH od 14. 11. 2019. godine, da se kasarna u Ljubačama dodijeli Vijeću ministara – Ministarstvu sigurnosti BiH za smještaj migranta.

Tokom 2019. godine Gradsko vijeće Tuzla je bilo aktivno i razmatralo ***326 materijala, koje su pripremili Gradonačelnik i gradske službe za upravu, od čega su 4 programa, 12 planova, 97 odluka, 113 rješenja, 30 izvještaja, 33 informacije, 5 urgencija i 25 ostalih materijala.***

Osim Gradonačelnika, Kolegij Gradskog vijeća i vijećnici su bili vrlo aktivni i pokrenuli ukupno ***83 inicijative.***

Povodom svih materijala razmatranih i usvajanih na sjednicama Gradskog vijeća Tuzla, tokom 2019. godine Gradsko vijeće Tuzla usvojilo je 201 zaključak.

U slijedećoj tabeli, nalaze se detaljni podaci o realizaciji Programa rada Gradskog vijeća Tuzla po sjednicama i mjesecima .

Tabela II-UKUPAN BROJ REALIZIRANIH MATERIJALA U 2019. GODINI

R.b.	Sjednica/datum	Programi realizirano	Planovi / realizirano	Odluke / realizirano	Rješenja / realizirano	Zaključci / realizirano	Informacije / realizirano	Izveštaji / realizirano	Inicijati / realizirano	Urgencije / realizirano	Ostalo / realizirano
1.	29. sjednica/30.01.2019.	1	3	8 + 2 nacrt	12	21	5	1	1	1	1
2.	30. sjednica/27.02.2019.	0	1	7 + 1 nacrt	2	16	1	2	11	0	1
3.	31. sjednica/27.03.2019.	0	2	5	3	14	2	1	5	0	2
4.	32. sjednica/26.04.2019.	0	2	8	2	13	2	1	0	0	1
5.	33. sjednica/28.05.2019.	0	2	8 + 1 nacrt	18	18	0	1	10	1	8
6.	34. sjednica/27.06.2019 I dio TEMATSKI	0	0	8	9	17	2	13	5	2	3
7.	35. sjednica/02.07.2019.	0	0	1	0	11	5	5	3	0	1
8.	36. sjednica/29.08.2019.	0	1	18	0	17	0	4	7	0	1
9.	37. sjednica/26.09.2019.	0	0	6	43	17	3	3	7	0	0
10.	38. sjednica/31.10.2019.	2	1	9 + 3 nacrt	8	16	7	1	14	1	0
11.	4. vanredna/18.11.2019.	0	0	0	0	1	0	0	0	0	0
12.	39. redovna/28.11.2019. I dio TEMATSKI	0	0	12	6	23	3	0	10	0	5
13.	40. redovna/19.12.2019.	1	0	7	10	17	0	1	10	0	2
	UKUPNO	4	12	97+7 nacrt	113	201	30	33	83	5	25
	Programom rada GVT za 2019. godinu predviđeno	2+1(nacrt)	7+5 (nacrt)	20+11(nacrt)	Kotinuirano	Kontinuirano	31	31	kontinuiran	kontinuiran	4
	Realizirano materijala GVT (po Programu i prijedlogu Gradonačelnika, službi i vijećnika) za 2019. godinu	4	12	97+7 nacrt	113	201	30	33	83	5	25

Od značajnijih materijala, koji su razmatrani na redovnim sjednicama Gradskog vijeća Tuzla, pomenut ćemo samo neke:

Oblast budžeta i finansija

Tokom 2019. godine svi budžetski dokumenti (budžet, odluka o izmjenama i dopunama budžeta, godišnji i periodični izvještaji o izvršenju budžeta) su usvajani u rokovima propisanim zakonom i budžetskim kalendarom.

Kao što je poznato, Gradsko vijeće Tuzla je na svojoj 44. redovnoj sjednici, održanoj dana 19.12.2019. godine usvojilo Budžet Grada Tuzle za period 01.01. do 31.12.2020. godine, tako da je Grad Tuzla jedna od prvih lokalnih zajednica, koja je već krajem 2019. godine imala usvojen gradski budžet za 2020. godinu.

Oblast prostornog uređenja i građenja

Iz oblasti prostornog uređenja i građenja, usvojeno je više odluka, regulacionih planova i odluka o njihovom provođenju, a sve sa ciljem da se omogući gradnja i razvoj Grada Tuzle, te otklone eventualne prepreke za investiranje i gradnju na području Grada Tuzle. Tako su između ostalog usvojeni:

-Na 29-toj redovnoj sjednici od 30.01.2019. godine, usvojena je Odluka o načinima i uslovima plaćanja naknade za pogodnost gradskog građevinskog zemljišta – renta, kojom je omogućeno građanima i privrednim subjektima, da kod dobijanja građevinske dozvole uplate 50% naknade za pogodnost lokacije-rente, a ostatak uz prilaganje odgovarajućih sredstava obezbjeđenja na rate i to na period najduže tri godine od pravosnažnosti odobrenja za građenje,

-Na 30-toj redovnoj sjednici održanoj dana 27.2.2019. godine, razmatrana je i usvojena Odluka o pristupanju izradi Zoning plana južne gradske obilaznice (donesena sa ciljem da se stvore uvjeti za gradnju obilaznice oko Tuzle), te Odluka o izmjenama i dopunama Odluke o provođenju Prostornog plana Grada Tuzle za period 2010.-2030 godina (donesena s ciljem otklanjanja prepreka kod buduće gradnje na području Grada Tuzle). Odluka o izmjenama i dopunama Odluke o provođenju Prostornog plana Grada Tuzle za period 2010.-2030 godina, ponovno je izmijenjena na 36. redovnoj sjednici od 29.8.2019. godine, što pokazuje fleksibilnost u radu gradskih službi za upravu i prilagođavanje potrebama na terenu i zahtjevima građana i investitora.

-Na 32. redovnoj sjednici održanoj dana 26.4.2019. godine usvojen je **Regulacioni plan ZBR (ZONE BUDUĆEG RAZVOJA) IRAC JUG - I FAZA U TUZLI, čime su stvorena pravne pretpostavke za realizaciju vrlo značajnog projekta "Crystalico", planiranog u zapadnom dijelu grada**, čime će se potaći s jedne strane privredni razvitak u Gradu Tuzli i povećati standardi življenja građana,

-Na 33. redovnoj sjednici održanoj dana 28.5.2019. godine razmatrana je i usvojena Odluka o izmjenama Odluke o provođenju Regulacionog plana centralnog gradskog groblja „Drežnik“ u Tuzli. Ovom odlukom i usvajanjem Budžeta za 2020. godinu su stvoreni preduvjeti za početak radova na novom Gradskom groblju u 2020-toj godini.

Oblast zaštite okoline

-Na 32. redovnoj sjednici održanoj dana 26.4.2019. godine, usvojena je Odluka o uslovima, kriterijima i postupku dodjele sredstava za sufinansiranje mjera smanjenja aerozagađenja na području Grada Tuzle, kojom se sa ciljem smanjenja aerozagađenja odobravaju subvencije za utopljanje objekata i nabavku toplotnih pumpi poticaji građanima vlasnicima objekata, koji zbog korištenja čvrstih goriva zagađuju okolinu. Na 36. sjednici od 29.08.2019. godine, navedena odluka je izmijenjena, kako bi se pojednostavile procedure i građanima olakšalo prilikom predavanja zahtjeva za ostvarivanje poticaja. Određene izmjene ove odluke, a sve sa ciljem da se izađe u susret građanima ponovno su izvršene i na 38. sjednici Gradskog vijeća Tuzla održanoj dana 31.10.2019. godine. U toku ove godine raspisana su prema našem saznanju tri javna konkursa za dodjelu poticaja za smanjenje aerozagađenja na području grada Tuzle. Naprijed navedenim odlukama, predviđeno je da Grad Tuzla, iz budžetskih sredstava obezbjeđuje 50% troškova za utopljanje zgrade, a ne više od 5.000 KM po jednom objektu, odnosno 50 % troškova uvođenja grijanja na dizač toplote, na toplotnu pumpu. U ovaj trošak ulazi i obavezan energetske pregled, a aplikantu je uslov da ima završen energetske pregled objekta u svom vlasništvu. Clj planiranja sredstava za 2019. i za 2020. godinu za ovu namjenu i donošenje naprijed navedenih odluka je svakako smanjenje aerozagađenja na području Grada Tuzle , odnosno prije svega čišći zrak u Tuzli, zatim obezbjeđenje jeftinijeg i udobnijeg grijanja za građane.

-Na 38. redovnoj sjednici Gradskog vijeća od 31.10.2019. godine razmatrana je i usvojena Odluka o pristupanju sporazumu gradonačelnika za klimu i energiju i izradi akcionog plana za održivu energiju i borbu protiv klimatskih promjena (Sustainable energy and climate Action plan - SECAP) Akcijski plan (SEAP i SECAP) je ključni dokument kojim potpisnice Sporazuma određuju smjernice kojim će postići zadane vizije i ciljeve. On uključuje procjenu trenutne situacije, tj. izradu referentnog inventara emisija u dijelu ublažavanja klimatskih promjena (SEAP i SECAP) i provedbu

Primarno područje djelovanja predstavljaju programi i akcije uštede energije u javnim zgradama u vlasništvu lokalnih vlasti koje predstavljaju značajne potrošače energije, npr. za zagrijavanje i osvjetljavanje. Pored toga, značajne mjere za redukciju korištenja energije mogu se postići u drugim

uslugama, kao što su javni prevoz i javna rasvjeta. Prostorno planiranje i organizacija sistema prevoza su nadležnost većine lokalnih i regionalnih vlasti, u kojima strateško planiranje i uspostava energetske standarde koji će se poštivati pri izgradnji novih zgrada mogu značajno reducirati korištenje energije.

Lokalne vlasti mogu pomoći u informisanju i motivisanju svojih građana, preduzeća i drugih subjekata na lokalnom nivou kako efikasnije koristiti energiju, te provoditi aktivnosti na podizanju svijesti o značaju uključenja cjelokupne zajednice u podržavanju politika energetske efikasnosti. Takođe, mogu raditi i na promociji lokalne proizvodnje energije i ohrabrivanju građana davanjem finansijske podrške za implementaciju njihovih projekata i inicijativa za obnovljive izvore energije.

Oblast komunalnih djelatnosti

Tokom 2019. godine iz oblasti komunalnih djelatnosti, doneseno je niz značajnih odluka za život i rad građana, od kojih ćemo spomenuti samo neke:

-Na prvoj ovogodišnjoj redovnoj sjednici, odnosno 29-toj redovnoj sjednici od 30.01.2019. godine, usvojeni su značajni dokumenti iz oblasti komunalne problematike, kao što su Odluka o izmjenama i dopuni Odluke o snabdijevanju grada toplotnom energijom i Odluka o izmjeni Odluke o kriterijima i uslovima utvrđivanja novčane naknade koju plaćaju novi korisnici toplotne energije za angažovanje kapaciteta sistema daljinskog zagrijavanja ili za povećanje angažovanosti kapaciteta grijanja, kojima su za individualno-stambene i kolektivne objekte sagrađene prije 2011. godine uvedene pogodnosti kod troškova priključenja na sistem daljinskog zagrijavanja u Gradu Tuzli. Osim toga, Odlukom o izmjeni odluke o kriterijima i uslovima utvrđivanja novčane naknade koju plaćaju novi korisnici toplotne energije za angažovanje kapaciteta sistema daljinskog zagrijavanja ili za povećanje angažovanosti kapaciteta grijanja, zbog ekološke ugroženosti građana u MZ Bukinje, Husino i Šićki brod isti su oslobođeni troškova priključenja na sistem daljinskog zagrijavanja i oslobođeni plaćanja naknade za angažovani kapacitet.

-Na 39.redovnoj sjednici održanoj dana 28.11.2019. godine razmatran je i usvojen ***Plan proširenja postojećih zona toplifikacije sistema daljinskog grijanja na području grada Tuzle***, čime su stvorene pretpostavke za dalje širenje mreže toplifikacije .

-Na 38. redovnoj sjednici Gradskog vijeća Tuzla, održanoj 31.10.2019. godine, usvojena je Odluka o uslovima i postupku ostvarivanju prava na subvencioniranje komunalne naknade kojom su date subvencije i neće plaćati komunalnu naknadu slijedeće kategorije građana Tuzle: penzioneri, članovi porodice šehida, poginulog, umrlog, nestalog borca i umrlog ratnog vojnog invalida, ratni vojni invalidi, nezaposleni demobilisani borci, članovi porodice ratnog vojnog invalida i nezaposlenog borca, zatim korisnici stalne novčane pomoći, korisnici prava na ličnu invalidninu, dodataka za njegu i pomoć od strane drugog lica i ortopedskog dodatka, civilne žrtve rata i članovi porodica poginulih civilnih žrtava rata. Naime, Zakonom o komunalnim djelatnostima ("Službene novine Tuzlanskog kantona", broj : 11/05, 7/07, 8/12 i 14/13), uvedena je za sve građane na području Tuzlanskog kantona obaveza plaćanja komunalne naknade, te se tražilo rješenje da ova obaveza ne bude još jedan namet za građane Tuzle. Stoga je Gradsko vijeće Tuzla na svojoj 40-toj redovnoj sjednici održanoj dana 19.12.2019. godine, pokrenulo i inicijativu za izmjene kantonalnog zakona o komunalnim djelatnostima i zatražilo da uvođenje komunalne naknade za gradove i općine na području Tuzlanskog kantona bude samo mogućnost, a ne obaveza, te da se kroz izmjene Zakona o komunalnim djelatnostima određene socijalno osjetljive kategorije oslobode plaćanja iste. U sadašnjem zakonskom rješenju navedene obaveze oslobođeni su samo državni organi i vjerske zajednice.

Poduzetništvo i poljoprivreda

I u ovoj oblasti kontinuirano su donošene odluke i propisi, koji se tiču stvaranja povoljnijih uvjeta za razvoj poduzetništva.

-Na 36. redovnoj sjednici Gradskog vijeća od 29.8.2019. godine, usvojena je Odluka o davanju pod zakup poljoprivrednog zemljišta u vlasništvu Grada Tuzle, a tokom cijele godine dodjeljivani su poslovni prostori u zakup i to državnim organima i institucijama i nevladinim organizacijama pod povoljnim uvjetima.

-Kako bi se stvorili povoljniji uvjeti i otklonile prepreke za dodjelu gradskih poslovnih prostora pod zakup na 39. redovnoj sjednici Gradskog vijeća Tuzla, održanoj dana 28.11.2019. godine usvojena je Odluka o izmjenama i dopunama Odluke o davanju u zakup poslovnih zgrada, poslovnih prostorija i garaža.

-Nastavljene su aktivnosti na dodjeli nekretnina (zemljišta) u poslovnoj zoni „Kreka-Sjever“ pod povoljnim uvjetima. Tako je na na 39. redovnoj sjednici Gradskog vijeća Tuzla, održanoj dana 28.11.2019. godine usvojena Odluka o opterećenju zemljišta pravom građenja na lokalitetu poslovne zone „Kreka sjever“ u Tuzli putem javnog nadmetanja – licitacije (sa tekstom Javnog oglasa i rješenjem o imenovanju komisije)

Obrazovanje i pitanja mladih

I u ovoj oblasti, Gradsko vijeće Tuzla je bilo veoma aktivno. od više odluka izdvojiti ćemo samo neke. Na 40-toj redovnoj sjednici održanoj dana 19.12.2019. godine usvojilo Odluku o potrebi pribavljanja poslovnog prostora u istočnom dijelu grada Tuzle za potrebe JU za predškolski odgoj i obrazovanje „Naše dijete“ Tuzla (s tekstom javnog poziva i rješenjem o imenovanju komisije), kako bi se stekli uslovi da se pribavi nekretnina koja će zadovoljiti potrebe predškolskog odgoja i obrazovanja djece u istočnom dijelu grada Tuzle.

Socijalna i zdravstvena zaštita

Pored redovnih informacija i izvještaja, koji su na sjednicama Gradskog vijeća Tuzla razmatrani tokom 2019. godine, jedan od najznačajnijih dokumenata koji je usvojen iz ove oblasti je Pravilnik o kriterijima i postupku za ostvarivanje prava na jednokratne novčane pomoći iz Budžeta Grada Tuzle (usvojen na 40. redovnoj sjednici Gradskog vijeća Tuzla od 19.12.2019. godine).

Povodom Informacije o o problematici zdravstvene zaštite djece, analize propisa iz oblasti zdravstvene zaštite na 29-toj redovna sjednica od 30.01.2019. godine usvojeni su Inicijativa Gradonačelnika za donošenje Zakona o Fondu solidarnosti za dijagnostiku i liječenje teških oboljenja kod djece i prijedlog Kolegija Gradskog vijeća Tuzla za određivanje budžetske stavke za plaćanje liječenja djece i ostalih građana koji se ne mogu liječiti u BiH.

Boračko-invalidska zaštita

U ovoj oblasti razmatrane su redovne informacije i kao i svake godine razmatran i usvojen Pravilnik o kriterijima i postupku za odobravanje jednokratne pomoći pripadnicima boračke populacije s

područja Grada Tuzla u 2020. godini, a sve u skladu sa zakonima i propisima viših nivoa vlasti iz oblasti boračko-invalidske zaštite.

Organizacija gradske uprave

Dva puta tokom 2019. godine mijenjana je Odluka o o djelokrugu i organizaciji rada uprave Grada Tuzle (32. redovna sjednica održana dana 26.4.2019. godine i 33. redovna sjednica od 28.5.2019. godine), sve sa ciljem uspostave optimalne unutrašnje organizacije i samim time još boljeg funkcionisanja gradske uprave Grada Tuzle.

Rješavanje imovinsko-pravnih odnosa u kontekstu privrednog razvoja

Tokom 2019. godine i to na 34.redovnoj sjednici od 27.6.2019. godine usvojena je nova Odluka o uvjetima i načinu pribavljanja i raspolaganja nekretninama u vlasništvu Grada Tuzle, kao jedna od najznačajnijih odluka vezanih za upravljanje imovinom Grada Tuzle. Tokom, godine na svim sjednicama usvajana su i imovinsko-pravna akta.

-Na zadnjoj sjednici Gradskog vijeća Tuzla u 2019. godini (19.12.2019.godine) usvojen set odluka, kojom se nastavlja kontinuitet licitiranja građevinskih parcela u poslovnoj zoni, čime se stvaraju pretpostavke za privredni razvoj Grada Tuzle.

Civilna zaštita

Iz oblasti civilne zaštite usvojeno je više dokumenata, a kao najznačajniji pomenut ćemo da je na 31. redovnoj sjednici Gradskog vijeća Tuzla od 27.3.2019. godine, razmatran i usvojen Plana edukacije i obuke stanovništva u cilju prevencije od djelovanja prirodnih i drugih nesreća

Inicijative, zahtjevi i slično

-Na 30-toj redovnoj sjednici održanoj dana 27.2.2019. godine, razmatran je i usvojen Zahtjev prema javnim ustanovama i javnim preduzećima Grada Tuzla za uređenje i donošenje propisa u cilju isplaćivanja do punog iznosa plate uposlenicima na porodiljskom odsustvu

-Na 35-toj redovnoj sjednici Gradskog vijeća Tuzla, održanoj 02.07.2019. godine usvojena je informacija o pokretanju postupka dodjele područja djelovanja veterinarskim stanicama na području Tuzlanskog kantona sa prijedlogom mjera i pokrenute inicijative za sprečavanje urušavanja sistema veterinarske djelatnosti,

-Na 37. redovnoj sjednici razmatrana je Informacija o realizaciji zaključaka gradskog vijeća tuzla u vezi sa inicijativom „za život sa manje boli“ u cilju nabavke senzora za bezbjedno i kontinuirano mjerenje nivoa šećera u krvi za djecu i odrasle oboljele od dijabetesa i zatraženo od nadležnih organa postupanje po zaključcima Gradskog vijeća,

-Na 39.redovnoj sjednici održanoj dana 28.11.2019. godine razmatran je tekst Osude promocije knjige „Tuzlanska kapija - režirana tragedija“ u organizaciji Ministarstva odbrane Republike Srbije

Od ukupno 112 materijala, koji su predviđeni Programom rada Gradskog vijeća Tuzla nisu na sjednicama Gradskog vijeća Tuzla, razmatrani svi materijali. Tokom 2019. godine, nisu razmatrani slijedeći materijali:

1.Statut Grada Tuzle,

2.Odluka o povjeravanju na upravljanje i korišćenje trećeg slanog jezera u okviru kompleksa Panonskih jezera JKP „Panonica“ d.o.o. Tuzla

3.Odluka o nerazvrstanim cestama na području Grada Tuzle,

4. Informacija o poduzimanju mjera za izradu glavnog projekta budućeg gradskog groblja na Drežniku i stvaranju uslova za početak izgradnje,
5. Odluka o komunalnom redu,
6. Odluka o izgradnji, korištenju, zaštiti i održavanju i upravljanju mjesnim vodovodima, javnim bunarima i česmama na području Grada Tuzla,
7. Zoning plan Južne gradske obilaznice,
8. Analiza implementacije Zakona o ravnopravnosti spolova u organima Grada Tuzle,
9. Akcioni plan rodne ravnopravnosti Grada Tuzle za period 2019-2022. godine
10. Izvještaj o radu i poslovanju javnih ustanova, čiji je osnivač Grad Tuzla za 2018- godinu-JZU „Gradske apoteke“ Tuzla.

O razlozima nerealizacije bilo kog od gore navedenih materijala, vijećnici Gradskog vijeća Tuzla su blagovremeno informisani kroz obavještenja predlagača materijala.

Ova informacija je sačinjena sa ciljem stvaranja opšte slike o izvršenju Programa rada Gradskog vijeća i aktivnostima Gradskog vijeća Tuzla, kao predstavničkog tijela građana.

S poštovanjem.

DOSTAVLJENO

**RUKOVODILAC
STRUČNE SLUŽBE GRADSKOG VIJEĆA**

1 x Naslovu
1 x Evidenciji
1 x a/a

Nuhbegović Mediha, dipl.pravnik

